

漢雋後序



昌黎爲文纂言以鈞玄故後之爲文者咸
宗之司馬公道德著當代其所編纂甚於
鈞玄之詳何耶文尚理致漢世所作不若
今之俚尚論五經潔靜嚴簡而其發於情

性者彌謹守不妄語則聖賢傳心之秘夫
是直致而率爾焉可乎番陽洪文敏作法
語斷自古經或者議之曰經其可揀擇耶
旨哉言矣漢雋之作蓋為習宏博便利文
至於不能以有進矣克類至若淄焉達于

江河道何疾焉縣舊有刻本歲久湮落先
皇帝崇人文設科舉是書之設深有益詞

賦吾徒知之而莫能為也是縣之長撤的
迷失忠顯能首補是書其意厚矣集賢之
屬為典文署掌天下圖籍木本楠歸朝廷

必以告知邑侯愛儒士其廣是書也願與
辟雍學子共之

延祐七季歲在庚申十月 日集賢直學

士素桶書

漢雋目錄

第一卷

稱制

三宮

羣僚

調補


按職

第二卷

軌事

法比

獄犴



節信

禁闥

第三卷

國士

支屬

賢豪

愚劣

詘信

第四卷

宵貺

語次

綴學

書教

締交

第五卷

顥蒼

異時

宇內

河山

疆外

第六卷

薰庶

佃作

禳祀

精祿

五樂

第七卷

貨寶

警筭

器械

三服

車兩

第八卷

第室

次舍

糒醪

五兵

搏戰

第九卷

義農

不諱

根著

昆蟲

若干

第十卷

假設

雲烝

建瓴

鴻濛

凶凶

漢雋卷第一

稱制篇

稱制

高后紀臨朝稱制師古曰天子之言一曰制書二曰詔書制書者謂為制度之命也非皇后所得稱合曰太后臨朝行天子事斷決萬機故稱制詔

子事斷決萬機故稱制詔

稱孤

陛下

田儉傳俱南面稱孤師古曰王者自稱曰孤蓋為謙也高帝紀大王陛下應劭曰陛下者升堂之陛王者必有執兵陳於階陛之側羣臣與至尊言不敢指斥故呼在陛下者而告

之因卑以達尊之意也若今稱殿下閣下侍者執事皆此類

朕

高紀母敢隱朕如淳曰朕我也蔡邕曰古者上下共之答繇與



帝舜言稱朕屈原曰朕皇考至秦獨以為尊稱漢遂因之而不改也

縣官

霍光傳縣官非我家將軍不得至是如淳曰縣官謂天子東平王宇傳縣官年少張晏曰不敢指斥成帝謂之縣官也

太上

淮南王傳欲以親戚之意望於太上如淳曰太上天子也

鉅公

郊祀志欲見鉅公鄭氏曰天子也張晏曰天子為天下父故曰鉅公也

天辟

五行志天辟惡之如淳曰天辟謂天子也師古曰辟音壁

行在所

武紀徵詣行在所師古曰天子或在京師或出巡狩不可豫定故言行在所

行內

孔光傳鎮宿衛供養行內師古曰行內行在所之內中猶言禁中也

輦轂

司馬遷傳待罪輦轂下師古曰言侍從天子之車輿

轂下

薛宣傳執憲轂下師古曰言在天子輦轂之下

車駕

高紀車駕西都長安師古曰凡言車駕者謂天子乘車而行不敢指斥也

屬車

相如傳犯屬車之清塵應劭曰漢制大駕屬車八十一乘師古曰屬者言相連續不絕也音之欲反

清塵

見上師古曰塵謂行而起塵也言清者尊貴之意也而說者乃以為清道灑塵謂之清塵非也

幸 文紀上幸其泉如淳曰蔡邕云天子車駕所至民臣以為僥幸
故曰幸

警趨 文三王傳出稱警人言趨師古曰警者戒肅也趨止行人
也言出入者互文耳出亦有趨漢儀注皇帝輦動左右侍帷幄
者稱警出殿則傳蹕止人清道也

傳警 叔孫通傳百官執戟傳警師古曰傳聲而唱警言

馳道 成紀不敢絕馳道應劭曰馳道天子所行道也若今之中
道鮑宣傳丞相官屬行馳道中如淳曰令諸使有制得行馳道
中者行旁道無得行中央三丈也

天統 高紀得天統矣臣瓚曰漢承堯緒為火德秦承周後以火
代木得天之統序故曰得天統

適統 翟義傳厥害適統師古曰國之正統適讀曰嫡

聖緒 元紀朕承先帝之聖緒

帝絃 賓戲廓帝絃恢皇綱

神器 王命論神器有命劉德曰神器重也李奇曰帝王賞罰之
柄也師古曰李說是也

秉統 王莽傳太后秉統數年

屬統 公孫弘傳屬統垂業師古曰屬繫也音之欲反

繼成 武五子傳今陛下承明繼成師古曰繼已成之業

綴祀 高紀綴之以祀師古曰綴言不絕也

牽制

元紀牽制文義師古曰為文義所牽制故下斷決

遵制

匡衡傳留神於遵制揚功以定羣下之心

紫色 蠅聲餘分閏位

王莽傳紫色蠅聲餘分閏位聖王

之驅除云爾應劭曰紫間色蠅邪音也服虔曰言莽不得正王

之命如歲月之餘分為閏也師古曰蠅者樂之淫聲非正曲也

近之學者便謂蠅之鳴已失又欲改蠅聲為蠅聲引詩匪鷄則

鳴蒼蠅之聲尤穿鑿矣

清宴

蕭豐傳願賜清宴

清燕之間

劉向傳願賜清燕之間

清閏

龔遂傳願賜清閏師古曰閏讀曰閑

清閒之燕

蔡義傳願賜清閒之燕師古曰燕安息也

清光

鼂錯傳莫能望陛下清光晉灼曰今之臣不能望見陛下

之光景所及

末光

蕭曹傳依日月之末光師古曰贅言何參值漢初興故以

日月為喻耳

湛恩

封禪書湛恩龐洪為豐也師古曰湛漬曰沈沈深也龐洪

皆大也

渥惠

班婕妤賦蒙聖皇之渥惠兮

閔道

張山拊傳鄉唐虞之閔道師古曰閔大也

仁霑

長楊賦仁霑而恩洽

儲精

甘泉賦儲精垂思

厲精

循吏傳始躬萬機厲精為治

統楫

兒寬傳統楫群元張宴曰統察楫聚也臣瓚曰統猶總覽

也楫當作輯師古曰楫輯與集三字並同瓚曰當為輯不通

君服

地理志君服於楚師古曰事楚為君而服從之

深拱

蒯通傳深拱揖讓師古曰深拱猶高拱

漸摩

仲舒傳漸民以仁摩民以誼師古曰漸謂浸潤之也摩謂

砥礪之也

覆露

鼂錯傳覆露萬民如淳曰覆蔭也露膏澤也

洪苞

校獵賦醇洪苞之德師古曰洪大也苞與暢同暢通也

穆清

司馬遷傳於穆清師古曰穆美也言天子有美德而政化

清也

昭曠

鄒陽傳獨觀乎昭曠之道師古曰昭明也曠廣也

昭夏

相如傳繼昭夏文穎曰昭明也夏大也德明大

澹泊

長楊賦澹泊為德師古曰澹泊安靜也澹徒濫反泊步各

反又音魄

秦阿

梅福傳倒持秦阿授楚其柄師古曰秦阿劍名歐冶所鑄

也言秦無道令陳涉項羽乘間而發譬倒持劍而以把授與人也

魁柄

又授以魁柄師古曰以斗為喻也斗身為魁

屈起

王命論未見得屈起在此位者也師古曰屈起特起也屈

音其勿反

竊鈇

表被竊鈇之言師古曰鈇鉞王者以為威用斬戮也言周

室表微政令不行於天下雖有鈇鉞無所用之是謂私竊隱藏

之鈇音膚

決上

成許后傳每輒決上師古曰每事皆奏決於天子乃敢行

也下音時掌反

可許

蕭何傳奏上可許師古曰可其所奏許其所請

主竅

五行志茲謂主竅臣天孟康曰謂君惰竅用人不以次第

為竅也師古曰竅音庚

孱王

張耳傳吾王孱王也孟康曰葉州人謂懦弱為孱師古曰

音士連反

三宮篇

三宮

王嘉傳貢獻三宮師古曰三宮天子太后皇后也

兩宮

五行志兩宮親屬師古曰謂太后家王氏皇后家趙氏故

云兩宮親屬

東宮

劉向傳依東宮之尊師古曰東宮太后所居也

中宮

哀紀食邑如中宮師古曰中宮皇后之宮

東朝

灌夫傳東朝廷辨之如淳曰東朝太后朝也

求信中安長信

傳昭儀傳皇太后稱求信宮帝太后

稱中安宮成帝母太皇太后本稱長信宮

椒房

車千秋傳未央椒房師古曰椒房殿名皇后所居也以椒和泥塗壁取其温而芳也

椒風

董賢傳爲昭儀更名其舍爲椒風以配椒房云

太上皇

高紀今上尊太公曰太上皇師古曰太上極尊之稱也皇君也天子之父故號曰皇不預治國故不言帝也

儲主

王莽傳宮亡儲主

公主

高紀女子公主如淳曰公羊傳曰天子嫁女於諸侯必使諸侯同姓者主之故謂之公主師古曰天子不親主婚故謂之公主諸王即自主婚故其女曰翁主翁者父也言父主其婚也亦曰主上言王自主其婚也

太主

東方朔傳帝姑館陶公主號竇太主如淳曰竇太后之女故曰竇太主

八子七子

外戚傳有美人良人八子七子長使少使之號師古曰八七祥秩之差也

五官

又五官視三百石師古曰五官所掌亦象外之五官也

健仔充依

又漢武帝制健仔姪娥俗華充依各有爵位師古曰健言接幸於上也仔美稱也姪娥皆美貌也俗猶言姪姪也便習之意也充依言充後庭而依秩序也健音接仔音予字或從女姪音五經反

昭儀

又元帝加昭儀之號師古曰昭顯其儀示隆重也

無涓保林

又無涓共和娛靈保林良使夜者皆視百石師古曰涓潔也無涓言無所不潔也娛靈可以娛樂情靈也保安也保林言其可安眾如林也

八妾

五行志夫人八妾師古曰一娶九女正嫡一人餘者妾也
啓八妾

諸姬

前五王傳諸姬生趙幽王既靈王師古曰諸姬摠言在姬妾之列者耳其知姓位者史各具之不知氏族及秩次者則去諸姬也

姬

文紀母曰薄姬師古曰姬者本周之姓貴於眾國之女所以婦人美號皆稱姬焉

良娣

武五子傳納史良娣常昭曰良娣太子之內官也太子有妃有良娣有孺子凡三等師古曰娣音弟

羣僚篇

羣僚

其泉賦命羣僚
元紀眾僚久慮

千官

嚴助傳奉千官之共師古曰千官猶百官也多言之耳

官師

賈誼傳官師小吏師古曰官師一官之長

冗官

申屠嘉傳冗官居其中師古曰冗謂散輩也如今之散官

冗從

枚乘傳與冗從爭師古曰冗從散職之從王者也

從官

元紀令從官給事官司馬中者師古曰從官親近天子常

侍從者皆是也

法從

揚雄傳每上甘泉常法從師古曰法從以言法當從耳一曰從法駕也

尊官

枚乘傳得尊官師古曰尊高也

外官

終軍傳孤於外官師古曰外官謂非侍衛之臣

左官

表作左官之律應劭曰人道上右今舍天子而仕諸侯故謂之左官也師古曰左官猶言左道也皆辟左不正應該是也

漢時依上古法朝廷之列以右為尊故謂降秩為左遷任諸侯為左官也

重臣

高紀重臣之親

柄臣

朱雲傳賤人圖柄臣師古曰柄臣執權之臣

中朝

劉輔傳中朝左將軍辛慶忌孟康曰中朝內朝也大司馬左右前後將軍侍中常侍散騎諸吏為中朝丞相以下至六百石為外朝也

石為外朝也

上府右職

貢禹傳郡國擇便巧史書昌於計簿能欺上府者以為右職師古曰上府謂所屬之府右職高職也

諸吏

成紀封舅諸吏光祿大夫王崇為安成侯應劭曰百官表諸吏得舉法案劾職如御史中丞武帝初置皆兼官所加或列

侯將軍卿大夫為之無負也

從吏

曹參傳從吏患之師古曰從吏吏之常從相者也從音材

用反

故吏

昭紀調故吏將屯田張掖郡師古曰故吏前為官職者

家吏

武五子傳皇后及家吏臣瓚曰太子稱家家吏太子吏也

假吏

蘇建傳假吏常惠等師古曰假吏猶言兼吏也

尸臣

郊祀志鼎刻曰王命尸臣師古曰尸臣主事之臣也

稗官

藝文志小說家者流蓋出於稗官師古曰稗音穉稗之稗

稗官小官

二府

劉向傳今二府奏如淳曰二府丞相御史也

兩府

杜周傳常與兩府及廷尉分章如淳曰兩府丞相御史府

也

大府

又郡吏大府舉之廷尉師古曰大府丞相御史之府也

九列

韋玄成傳恤我九列師古曰九列卿之位

相室

五行志易相室師古曰相室猶言相國謂宰相也相室者

相王室

相君

高五王傳願見相君

牧相

成許后傳漢制牧相執持之也師古曰牧州牧也相諸侯

王相也

守相

食貨志舉兼并之徒守相為利者師古曰守郡守也相諸

侯相酈商傳守相郭同師古曰守相謂為相而居守者

郡長

高紀懷王以沛公為碭郡長韋昭曰秦名曰守是時改曰

長

新將

嚴延年傳續見延年新將師古曰新為郡將也謂郡將者以其兼領武事也

主郡吏

鼂錯傳及主郡吏師古曰主郡吏謂郡守也

三輔

景紀三輔舉不如法令者應劭曰京兆尹左馮翊右扶風共治長安城中是為三輔師古曰時未有京兆馮翊扶風之名此三輔者謂主爵中尉及左右內史也東方朔三輔之地盡可以為苑師古曰中尉及左右內史則為三輔矣非必京兆馮翊扶風也

司空

百官表禹作司空師古曰空穴也古人穴居主穿土為穴

以居人也

太尉

又太尉秦官應劭曰自上安下曰尉武官悉以為稱

太常

又奉常更名太常師古曰太常王者旌旗也畫日月為王有大事則建以行禮官奉持之故曰奉常也後改曰太常尊大之義也

光祿勳

又郎中令名光祿勳應劭曰光者明也祿者爵也

衛尉

又衛尉掌宮門衛屯兵師古曰胡廣云主宮闕之門內衛士於周垣下為區廬區廬者今之仗宿屋矣

廷尉

又廷尉秦官應劭曰聽獄必質諸朝廷與眾共之兵獄同制故稱廷尉師古曰廷平也治獄貴平故以為號

僕射

又謁者有僕射應劭曰僕主也

鴻臚

又典客更名大鴻臚應劭曰郊廟行禮讚九賓鴻臚傳之也

少府

又少府掌山海池澤之稅以給共養應劭曰名曰禁錢以給私養自別為藏少者小也故稱少府師古曰大司農供軍國之用少府以養天子也共音居用反

太官

又師古曰太官主膳食

湯官

又師古曰湯官主餅餌

導官

百官表師古曰導官主擇米張湯傳繫導官蘇林曰漢儀注獄二十六所獄官無導也師古曰非也導擇也以主擇米故

鍾官

曰導官時或以諸獄皆滿故權寄在此署非本獄所也百官表如淳曰鍾官主鑄錢官也

東園匠

又師古曰東園匠主作陵內器物者

千人

又中尉有兩丞候司馬千人師古曰候及司馬及千人皆官名屬國都尉云有丞候千人西域都護云司馬候千人各二人凡此千人皆官名也灌夫傳以千人與父俱孟康曰官主千人如候司馬也

執金吾

百官表中尉更名執金吾師古曰金吾鳥名也主辟不

祥天子出行職主先導以禦非常故執此鳥之象因以名官

率更

又太子率更師古曰掌知漏刻故曰率更

長信

又長信詹事掌皇太后宮更名長信少府張晏曰以太后所居宮為名也居長信宮則曰長信少府居長樂宮則曰長樂

少府

長秋

又大長秋師古曰秋者收成之時長者恒久之義故以為

皇后宮名

水衡

又水衡都尉張晏曰至都水及上林苑故曰水衡師古曰

衡平也主平其稅入

輯濯

又輯濯如淳曰輯濯船官也劉屈氂傳發輯濯士師古曰輯濯士主用輯及濯行船者也短曰輯長曰濯輯音集字本從

木其音同耳濯字本作權音直孝反

馮翊

又左馮翊張晏曰馮輔也翊左也

扶風

又右扶風張晏曰扶助也風化也

司隸

又司隸校尉師古曰以掌徒隸而巡察故云司隸

射聲

又射聲校尉掌待詔射聲士服虔曰工射者也其其中聞

聲則中之因以名也

戊巳

校尉

元紀陳

湯橋發戊巳校尉屯田吏士師古曰戊巳者鎮安西域無常治處亦猶甲乙等各有

方位而戊與巳四季寄主故以名官也時有戊校尉又有巳校

尉一說戊巳位在中央今所置校尉處三十六國之中故曰戊

巳也

駙馬

又駙馬都尉掌駙馬師古曰駙副也非正駕車皆為副馬

一曰駙近也疾也

散騎

又散騎師古曰騎而散從無常職也

鈎盾

又鈎盾令丞師古曰鈎盾主近苑囿昭紀耕于鈎盾弄田

應劭曰鈎盾宦者近署

中郎

惠紀中郎即中滿六歲爵三級蘇林曰中郎首中郎也

輦郎

劉向傳以父任為輦郎服虔曰輦郎如今引御輦郎也

黃頭郎

枚乘傳遣羽林黃頭蘇林曰黃頭郎習水戰者也鄧通

傳以濯船為黃頭郎師古曰土勝水其色黃故刺船之郎皆著

黃帽因號曰黃頭郎

中執法

高紀御史中執法晉灼曰中執法中丞也

中謁者

高后紀封中謁者張釋卿為列侯如淳曰百官表中謁

者掌賓贊受事灌嬰為中謁者後常以閹人為之諸官加中者

多閹人也

中涓

曹參傳參以中涓從如淳曰中涓如中謁者也師古曰涓

潔也言其中主知潔清洒掃之事蓋親近左右也

涓人

陳勝傳勝故涓人將軍呂臣師古曰涓人主潔除之人

祭酒

伍被傳吳王賜號為劉氏祭酒應劭曰禮飲酒必祭示有

先也故稱祭酒尊之也如淳曰祭祠時唯尊長者以酒沃酹師

古曰如說是也蘇武傳號稱祭酒師古曰加祭酒之號所以示

優尊也

大誰

五行志故公車大誰卒師古曰大誰者主問非常之人云姓名是誰也大誰本以誰何稱因用各官有大誰長今此卒者長所領士卒也

連敖

韓信傳為連敖李奇曰楚官名

莫嚙

曹參傳大莫嚙一人如淳曰嚙音敖張晏曰莫敖楚卿號也時近六國故有令尹莫敖之官

掌故

晁錯傳為太常掌故應劭曰掌故主故事

計相

張蒼傳為計相師古曰專主計籍故號計相

宰士

翟方進傳今丞相宣請遣掾史以宰士督察天子奉使命大夫師古曰謂丞相掾史為宰士者言其宰相之屬官而位為

志

稻田使者

昭紀稻田使者燕倉如淳曰特為諸稻田置使者饗民收其稅入也

視日

陳勝傳為項燕軍視日如淳曰視日時吉凶舉動之吉

府官

貢禹傳以職事為府官所責師古曰太守之府

尚食

惠紀宦官尚食比即中應劭曰尚主也舊有五尚尚冠尚帳尚衣尚席亦是如淳曰主天子物曰尚主文書曰尚書

祝餉祝鯁

賈山傳祝餉在前祝鯁在後師古曰餉古鯁字謂食不下也以老人好鯁故為備祝以祝之

獻丞

張湯傳勃舉太官獻丞陳湯蘇林曰獻丞主貢獻物也

音監

又音監景武孟康曰音監監主樂人也

狗監

相如傳揚得意為狗監師古曰主天子田獵犬也

門候

蕭望之傳署少苑東門候師古曰門候主候時而開閉也

戶將

蓋寬饒傳行郎中戶將事師古曰百官公卿表郎中令屬

官有郎中車戶騎三將蓋各以所主為名也戶將者主戶衛也

戶者

樊噲傳詔戶者無得入群臣

陞者

五行志殿中郎吏陞者皆闡焉師古曰陞者謂執兵列於

陞側

九賓

叔孫通傳大行設九賓韋昭曰九賓則周禮九儀也謂公

侯伯子男孤卿大夫士也

千夫

楊僕傳以千夫為吏孟康曰千夫若五大夫武帝以軍用

不足令民出錢穀為之師古曰所謂武功賞官以龍戰士

七校

刑法志內增七校晉灼曰百官表中壘中騎步兵越騎長

水胡騎射聲虎賁凡八校尉胡騎不常置故此言七也

五百

晁錯傳四里一連連有假五百服虔曰五百帥名也

賊捕掾

張敞傳敞使賊捕掾絮舜有所案驗師古曰賊捕掾主

捕賊者也

直符史

王尊傳直符史詣閣下師古曰直符史若今之當直佐

吏也

主吏

高紀蕭何為主吏孟康曰主吏功曹也

都吏

文紀遣都吏循行如淳曰律說都吏今督郵是也

從史

兒寬傳除為從史師古曰從史者但只隨官僚不主文書

舍人

高紀其舍人陳恢師古曰舍人親近左右之通稱也後遂

以為私屬官號

伯正

五行志伯正越職師古曰伯讀曰霸正者長帥之稱

落長

王溫舒傳置伯落長以收司姦師古曰邑落之長

假佐

又司隸遣假佐奉詔書昌尊蘇林曰胡公漢官假佐取內

郡善吏書佐給諸府也

求盜

高紀令求盜之薛應劭曰求盜者亭卒舊時有兩卒為亭

父掌開閉掃除一為求盜掌逐捕盜賊

亭長

高紀為泗上亭長師古曰秦法十里一亭亭長者主亭之

吏也亭謂停留行旅宿食之館

守丞

陳勝傳獨守丞與戰師古曰守丞謂郡丞之居守者一曰

郡守之丞故曰守丞

守尉

高紀請誅守尉師古曰守者郡守尉者郡尉

特將

張良傳使韓信特將師古曰特獨也專任之使將也衛青

傳為特將者十五人師古曰特將謂獨別為將而出征也

別將

高紀項梁盡召別將師古曰別將謂小將別在他所者

亞將

陳平傳以平為亞將

末將

高紀范增為末將

廐將

張良傳沛公拜良為廐將服虔曰官名

中黃門

百官表師古曰中黃門謂奄人居禁中在黃門之內給

事者

闈尹

叙傳闈尹之詰師古曰謂官人為闈者言其精氣奄閉不

泄也一曰主奄閉門者尹正也

刑臣

五行志刑臣石顯用師古曰顯官者故曰刑臣

中貴

李廣傳使中貴人從廣服虔曰內臣之貴幸者

通侯

高紀通侯諸將應劭曰舊曰徹侯避武帝諱曰通侯通亦

徹也通者言其功德通於王室也張晏曰後改為列侯列者見

序列也

徹侯

百官表一十徹侯師古曰言其爵位上通於天子

關內侯

又爵十九關內侯師古曰言有侯號而居京畿無國邑

上造

又爵二上造師古曰造成也言有成命於上也

不更

又四不更師古曰言不預更卒之事也

公乘

又八公乘師古曰言其得乘公家之車也

上聞爵

樊噲傳賜上聞爵張晏曰得徑上聞也如淳曰呂氏春

秋曰魏文侯勝齊天子賞文侯以上聞晉灼曰名通於天子也

武功爵

食貨志有司請置賞官名曰武功爵臣瓚曰茂陵中書

有武功爵一級曰造士二級曰閑輿衛三級曰良士四級曰元

戎士五級曰官首六級曰秉鐸七級曰千夫八級曰樂卿九級

曰執戎十級曰政戾庶長十一級曰軍衛此武帝所制以寵軍功師古曰此下云級十七萬凡直三十餘萬金今瓚所引茂陵中書止於十一級則計數不足與本文乖矣或者茂陵書說之不盡也

爵卿

陳平傳賜爵卿張晏曰禮秩如卿不治事

四千石

吾丘壽王傳連十餘城之守任四千石之重師古曰郡守都尉皆二千石以壽王爲都尉不置太守兼摠二任故云四千石也

中二千石

宣紀黃霸以治行充異秩中二千石師古曰漢制秩二千石者一歲一千四百四十石實不滿二千石其云中二千石者一歲付二千一百六十石舉成數言之故曰中二千石中者滿也

斗食

百官表百石以下有斗食佐史之秩是爲少吏師古曰漢官名秩簿云斗食月本十一斛佐史月俸八斛一說斗食者歲奉不滿百石計日而食一斗二升故云斗食也

餐錢奉邑

高后紀賜餐錢奉邑韋昭曰孰食曰飡酒肴曰錢粟米曰奉稅租奉祿正所食也四時得間賜是爲飡少食也師古曰餐飡同一字飡所謂吞食物也餐錢賜廚膳錢也奉邑本所食邑也奉音扶用反

益食

夏侯嬰傳益食嬰細陽千戶師古曰益其邑使食之

邑入 東方朔傳賞賜邑入師古曰所食之邑入其租賦也

封君 食貨志封君皆以首仰給焉師古曰封君受封邑者謂公

主及列侯之屬也

賜封 樊噲傳賜爵封號賢成君張晏曰食祿比封君而無邑也

師古曰楚漢之際權設寵榮假其位號或得邑地或受空爵

重封 又賜重封張晏曰益祿也如淳曰正爵名也臣瓚曰增封

也師古曰皆非也重封者加重號耳

分地 高紀未有分地李奇曰未有益地之分師古曰分音扶問

反

行田宅 高紀有功劳行田宅師古曰行音行瀆之行猶付與也

祥利 轅固傳贊祥利之路而古曰受爵祥而獲其利

調補篇

調補 匡衡傳調補平原文學師古曰調選也音徒鈞反

得調 張釋之傳十年不得調

疏爵 黥布傳疏爵而貴之張晏曰疏分也

隨牒 匡衡傳隨牒在遠方師古曰隨牒謂隨選補之恒牒不被

超擢者

署曹 兒寬傳見謂不習事不署曹張晏曰不署為列曹也師古

曰署表也置也凡言署官表其秩位置立為之也

分曹 食貨志適分遣御史廷尉正監分曹師古曰曹輩也分輩

而出為使也

通籍

元紀得為大父母父母兄弟通籍應劭曰籍者為二尺竹

牒記其年紀名字號縣之宮門案省相應乃得入也陳湯傳宜

以時解縣通籍字康曰通籍不禁止令得出入也魏相傳光夫

人顯及諸女皆通籍衣信宮師古曰通籍謂禁門之中皆有名

籍悉出入也

除吏

田蚡傳吾亦欲除吏師古曰凡言除者除去故官就新官

試吏

高紀及壯試吏應劭曰試用補吏

選吏

雋不疑傳門下諸從事皆州郡選吏師古曰選州郡吏之

最者乃得為從事

即拜

宣紀即拜酒泉太守辛武賢為破羌將軍師古曰即就也

就酒泉而拜之不徵入龔勝傳即拜勝為講學祭酒師古曰就

其家而拜之

立拜

車千秋傳立拜千秋為大鴻臚師古曰當其立見而即拜

之言不移時也

書贊

孔光傳已刻侯印書贊師古曰贊進也延進而拜之書贊

者書贊辭必策也

官使

董仲舒傳天下之士可得而官使也師古曰授之以官以

使其材也

急使

張良傳此兩人可急使

延登

五行志延登受策師古曰延入而登殿也漢舊儀云丞相御史大夫初拜皇帝延登親詔也

總帥

表沛公總帥雄俊

總掣

刑法志總掣英雄

顯賢

謝通傳顯賢進能

塞賢

吳王傳蔽忠塞賢

頤賢

序替祿賜頤賢師古曰頤養也謂引招賢人而養之

貢薦

匡衡傳望之多所貢薦

尉薦

趙廣漢傳其尉薦待遇吏殷勤甚備師古曰尉薦謂安尉而薦達之

勸駕

高紀必身勸為之駕文類曰有賢者郡守身自往勸勉令至京師駕車遣之

計偕

武紀徵吏民有明當世之務習先聖之術者縣次續食令與計偕師古曰計者上計簿使也郡國每歲遣詣京師上之偕者俱也令所徵之人與上計者俱來而縣次給之食

舉最

京房傳舉最當遷師古曰以課最而被舉故遷為他官也

殿最

宣紀丞相御史課殿最以聞師古曰殿後也課居後也最

凡要之首也課居先也

壹適

武紀諸侯貢士壹適謂之好德再適謂之賢賢三適謂之有功服虔曰適得其人

父任 汲黯傳以父任為太子洗馬王康曰大臣任舉其子弟
兄任 袁盎傳盎兄噲任盎為郎中如淳曰盎為兄所保任故得

為郎中也

世家 食貨志世家子弟如淳曰世家謂世世有祿秩家也

起家 劉歆傳以病免官起家復為安定屬國都尉

吏比 食貨志非吏比者師古曰比例也身非為吏之例比音必

寐友

序位 元紀朕之不違序位不明師古曰言官人之位失其次序

伐閱 車千秋傳無伐閱功勞師古曰伐積功也閱經歷也朱博

傳贊伐閱詣府

官簿 翟方進傳官簿皆在方進之右師古曰簿謂伐閱也

索耦 甘泉賦迺搜述索耦臯伊之徒冠倫魁師古曰言選擇賢

臣可匹耦於古賢臯伊之類

流貲 武紀受爵賞而欲移賣者無所流貲師古曰許慎說文解

字云貲物之重次第也此詔言欲移賣爵者無有差次不得流

行故為置官級也貲音弋賜反今俗猶謂凡物一重為一貲也

賞官 黃霸傳入錢賞官師古曰因入錢而見賞以官

甲科 匡衡傳衡射策甲科不應令師古曰投射得甲科之策而

所對文指不應令條也儒林傳說歲課 甲科為郎中乙科為

太子舍人景科補文學掌故今不應令是不中甲科之令所以

止為掌故

孝弟力田 高后紀置孝弟力田二千石者一人師古曰侍置孝

弟力田官而尊其秩欲以勸厲天下令各敦行務本

內長文 武紀內長文所以見愛也師古曰言有文德者即親內

而崇長之

旅耆老 武紀旅耆老復孝敬師古曰旅耆老者加惠於耆老之

人若賓旅也

四行 何武傳光祿勳舉四行師古曰元帝詔舉質朴敦厚遜讓

有行各一人詔書又令光祿歲以此科第即從官故武以此四

行得舉

滿秩如真 平紀史在位二百石以上一切滿秩如真如淳曰

諸官吏初除皆試守一歲迺為真食全奉平帝即位故賜真師

古曰此說非也時諸官有試守者特加非常之恩令如真耳非

凡除吏皆當試守也

置相 蔡義傳或言光置宰相不選賢

置將 高紀置將不善

郎選 食貨志入財者得補郎郎選衰矣

調尉 張湯傳調茂陵尉師古曰調選也選以為此官也

按職篇

按職 孔光傳官屬按職如故師古曰屬官依常各行職務

職辦 朱博傳所部職辦

備員 申屠嘉傳為丞相備員而已儒林傳文學堂補郎屬員師

古曰云備員者示以升擢之非籍其實用也

充位 張湯傳丞相取充位師古曰但充其位而已無所造設也

匡衡傳高充位而已師古曰言凡事不任也

具官 儒林傳諸博士具官待問未有進者師古曰具官謂備員

而已

尸官 許后傳曠職尸官師古曰尸主也妄主其官

尸祿 鮑宣傳以拱默尸祿為智師古曰尸主也不憂其職但主

食祿而已

牽位 韋賢傳豈不牽位應劭曰言豈不戀此爵位

尸位素餐 朱雲傳亡以益民皆尸位素餐師古曰尸主也素

空也尸位者不舉其事但主其位而已素餐者德不稱官空當

食祿

曠貴 史丹傳替曠貴最久師古曰言居非其位是謂曠官故云

曠貴

展采錯事 相如傳以展采錯事文穎曰采官也展其官職設

錯其事業師古曰錯音千故反

治所 王尊傳治所公正師古曰謂司隸官屬為治所者尊之也

若令謂使人為尚書矣朱博使者行部還詣治所師古曰治所

刺史所止理事處

不治 王陵傳食其為相不治監宮中如郎中令李奇曰不治丞相職事也

主斷 項籍傳相國趙高穎國主斷鼂錯傳獄官主斷生殺自恣

關策 五行志損身師古曰言計策關說天子

關決 石奮傳事不關決於慶

親民 哀紀詔舉可親民者

旅力 翟義傳旅力同心師古曰旅陳也

蒙成 薛宣傳馮翊垂拱蒙成師古曰自言端拱無為而受縣之

成功

陪朕 文紀秉德以陪朕文穎曰陪輔也

趨辦 薛宣傳吏賦歛以趨辦師古曰趨讀曰趣言苟取辦

規隨 楊雄傳蕭規曹隨師古曰言何始作規模參因而從之

區處 黃霸傳霸具為區處師古曰區處謂分別而處置也

搏擊 翟方進傳為京兆尹搏擊豪彊

避回 王温舒傳即有避回夷之亦滅宗師古曰避回謂不盡意

搏擊也回音胡內反

自詭 京房傳臣得出守郡自詭効功師古曰詭責也自以為憂

責也

不諉 胡建傳執事不諉上師古曰諉累也言執事者當見法即

行不可以事累於上也諉音瑞反

希指

孔光傳不希指苟合師古曰希指希望天子之意旨也

塞詔

刑法志以塞詔而已師古曰塞猶當者也

格詔

淮南王傳格詔師古曰格音閣謂故閣不行之

橋制

高五王傳橋制以令天下師古曰橋託也託天子之制詔

也橋音矯

橋虔

武紀橋虔吏因乘執以侵蒸庶師古曰橋與矯同矯託也

虔固也妄託上命而堅固為邪惡者也

便宜

蕭何傳輒以便宜施行周亞夫傳守便宜不往張釋之傳

言便宜事

便文

趙充國傳諸君但欲便文自營非為公家忠計也師古曰

苟取文墨之便而自營衛便音頓面反

卧護

張良傳卧而護之師古曰護謂監領諸將

養仕

楚元王傳共養仕於朝師古曰四子亦在京師時養其祖

母故仕於漢朝也

都試

蔡義傳以九月都試日如淳曰太守都尉令長丞尉會都

試課殿最也

宴見

京房傳房嘗宴見師古曰以閑宴時入見天子

庭辯

公孫弘傳不肯庭辯師古曰不於朝廷顯辯論之

廷爭

王陵傳面折廷爭師古曰廷爭謂當輔廷而諫爭

比諫 賈山傳公卿比諫李奇曰比方事類而諫也

微諫 伍被傳數微諫師古曰私諫之

拾遺 蒯通傳拾遺舉過汲黯傳補過拾遺

朝從 韓信傳稱疾不朝從師古曰朝朝見也從從行

薄從 司馬遷傳僕又薄從上上雍李奇曰薄迫也迫當從行也

朝請 宣紀時會朝請如淳曰春曰朝秋曰請師古曰請音才姓

反

侍問 李布傳侍問果言師古曰侍於天子間謂事務之隙

請問 文紀願請問師古曰間容也猶今言中間也請容暇之頃

當有所陳不欲於衆顯論也袁盎傳願請問師古曰欲因間隙

私有所白也

賜問 翼奉傳願復賜問

予寧 哀紀博士弟子父母死予寧三年師古曰寧謂處家持喪

服

告 高紀高祖嘗告歸之田李斐曰休謁之名吉日告凶曰寧去康

曰告者名吏休假曰告漢律吏二千石有予告有賜告予告者

在官有功最法所當得也賜告者病滿三月當免天子優賜其

告使得帶印綬將官屬歸家治病至成帝時郡國二千石賜告

不得歸家至和帝時予賜皆絕師古曰告者請謁之言謂請休

耳或謂之謝謝亦告也

償沐

楊惲傳移病盡一日輒償一沐晉灼曰五日一洗沐也師古曰言出財用者雖非休沐常得在外也貧者實病皆以沐假償之也

移病

公孫弘傳乃移病免歸師古曰移病謂移書言病也一日以病移居

歸老

石奮傳以上大夫祿歸老于家

致位

韋玄成傳既者致位師古曰言以年致仕也

請骸骨

陳平傳得請骸骨

賜骸骨

項籍傳願賜骸骨歸

罔辟

五行志以私祿罔辟李奇曰辟君也誣罔其君

無將

叔孫通傳人臣無將師古曰將有其意

待罪

吳王傳不得待罪行間李布傳待罪河東石慶傳待罪水

相

誅罪

賈誼傳誅罪長沙

昧死

高紀昧死再拜言張宴曰秦以為人臣上書當書昧犯死罪而言

蒙死

宣紀猶蒙死而存之賈山傳忠臣之所以蒙死而竭忠也師古曰蒙冒也

待死

五行志獨有極言

漢雋卷第一

卷一

子方

